

ხელშეკრულება №114
სახელმწიფო შესყიდვის შესახებ

საინჟინრო მომსახურების შესყიდვა (CPVკოდი: 71300000)

ქ. თბილისი

31 მარტი 2017 წელი

ერთი მხრივ, სსიპ თბილისის შოთა რუსთაველის სახელობის პროფესიული სახელმწიფო დრამატული თეატრი (შემდგომში „შემსყიდველი“), წარმოდგენილი დირექტორ-განმკარგულებლის, გიორგი თევზაძის სახით და მეორე მხრივ, შპს „ლ.დ. იუნიონ“ წარმოდგენილი დირექტორის ლალი დიდიშის სახით (შემდგომში „მიმწოდებელი“; შემდგომში „შემსყიდველი“ და „მიმწოდებელი“ ორივე ერთად მოხსენებული როგორც „მხარეები“), ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-3-ე მუხლის, პირველი პუნქტის, „რ“ ქვეპუნქტის შესაბამისად (განცხადება № **SPA170004446**), მხარეთა ორმხრივი ინტერესებისა და ნების თავისუფალი გამოვლენის შედეგად ვაფორმებთ წინამდებარე ხელშეკრულებას შემდეგზე:

პრეამბულა

მხარეები ადასტურებენ, რომ წინამდებარე ხელშეკრულება სრულად გამოხატავს მათ ნებას და თანაბრად იცავს ორივე მხარის უფლებებს, არც ერთი მხარე არ სარგებლობს რაიმე უპირატესობით.

მხარეები სრული პასუხისმგებლობით ადასტურებენ და იძლევიან გარანტიას, რომ წინამდებარე ხელშეკრულება წარმოადგენს მათთვის ქმედითი იურიდიული ძალისა და შესასრულებლად უპირობოდ მავალბელ სამართლებრივ დოკუმენტს.

მხარეები არაორაზროვნად და სრული პასუხისმგებლობით აცხადებენ, რომ თითოეული მათგანი მოქმედებს საქართველოს კანონმდებლობის შესაბამისად.

1. ხელშეკრულების საგანი

1.1. წინამდებარე ხელშეკრულების საგანს წარმოადგენს შემსყიდველის მიერ საინჟინრო მომსახურების შესყიდვა (შემდგომში „მომსახურება“).

2. ხელშეკრულების ფასი და ანგარიშსწორების პირობები

2.1. წინამდებარე ხელშეკრულების ღირებულება შეადგენს 23700 (ოცდასამიათასშვიდასი) ლარს საქართველოს მოქმედი კანონმდებლობით გათვალისწინებული ყველა სახის გადასახადის/გადასახდელის ჩათვლით, რომლის გადახდის ვალდებულებაც ეკისრება მიმწოდებელს.

2.2. ერთეულის ფასი მოცემული დანართ №2-ში რომელებიც წარმოადგენენ წინამდებარე ხელშეკრულების განუყოფელ ნაწილს.

2.3. მიმწოდებელთან ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

2.4. მიმწოდებელი ფაქტიურად გაწეული მომსახურების თაობაზე შემსყიდველთან ადგენს მიღება-ჩაბარების აქტს, რის საფუძველზეც მიმწოდებელი შემსყიდველს წარუდგენს საგადასახადო დოკუმენტს (ანგარიშ-ფაქტურა, სასაქონლო ზედნადები) საგადასახადო კოდექსით დადგენილი წესითა და პირობების შესაბამისად;

2.5. მიმწოდებელთან ანგარიშსწორება ხორციელდება მიღება-ჩაბარების აქტის გაფორმებიდან 10 სამუშაო დღის ვადაში.

3. მომსახურების მიწოდების ადგილი, მიწოდების პირობები და ვადები

3.1. შემსყიდველი საჭიროების შესაბამისად მიმწოდებელი უზრუნველყოფს დანართი №2-ში მოცემული მომსახურების მიწოდებას ხელშეკრულების ღირებულების ფარგლებში მხარეთა მიერ ხელშეკრულების გაფორმებიდან 60 კალენდარული დღის ვადაში შემდეგ მისამართზე: ქ. თბილისი შ. რუსთაველის გამზირი №17. გაწეული მომსახურების შედეგად მიღებული პროდუქტი უნდა იყოს უფლებრივად და ნივთობრივად უნაკლო.

4. შესყიდვის ობიექტის მიღება-ჩაბარების წესი

4.1. მხარეები გაწეული მომსახურების თაობაზე ადგენენ მიღება-ჩაბარების აქტს;

4.2. შესყიდვის ობიექტის მიწოდებად ჩათვლება მიღება-ჩაბარების აქტის საფუძველზე, შემსყიდველი მიერ იმ მომსახურების მიღება, რომელიც უნდა მიაწოდოს მიმწოდებელმა ამ ხელშეკრულების მე-3 მუხლით გათვალისწინებული პირობებითა და წესით;

4.3. შესყიდვის ობიექტის მიღების დროს, საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი;

4.4. ხელშეკრულების მე-2 მუხლის 2.4. პუნქტის შეუსრულებლობის შემთხვევაში არ მოხდება თანხის გადახდა, ხოლო საკითხის 10 დღის ვადაში მოუგვარებლობის შემთხვევაში „შემსყიდველის“ მიერ მიღება გადაწყვეტილება ხელშეკრულების შეწყვეტის შესახებ;

5. ხელშეკრულების შესრულების კონტროლი

5.1. შემსყიდველი უფლებამოსილია ხელშეკრულების შესრულების ნებისმიერ ეტაპზე, განახორციელოს წინამდებარე ხელშეკრულების პირობების შესრულების კონტროლი, საკუთარი თანამშრომელს/თანამშრომელთა ჯგუფს ან/და ნებისმიერ მესამე პირს მეშვეობით (შემდგომში „მონიტორინგის ჯგუფი“).

5.2. მონიტორინგის ჯგუფის ფუნქციაა მისაწოდებელი ან / და მიწოდებული საქონლის, მომსახურების, სამუშაოს მოცულობის, ხარისხისა და მიწოდების ვადების წინამდებარე ხელშეკრულების მოთხოვნებთან შესაბამისობის დადგენა.

5.3. მონიტორინგის შედეგად, შემსყიდველის მიერ შესყიდვის ობიექტის მიღება ხდება მხოლოდ შესაბამისი მიღება-ჩაბარების აქტის გაფორმების საფუძველზე.

5.4. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი;

5.5. წინამდებარე ხელშეკრულების შესაბამისად ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

6. მხარეთა უფლება-მოვალეობები

6.1. მიმწოდებელს უფლება აქვს, წინამდებარე ხელშეკრულების შესაბამისად მოითხოვოს გაწეული მომსახურების ღირებულების დროული გადახდა;

6.2. შემსყიდველს უფლება აქვს, მოითხოვოს ხარისხიანი მომსახურების გაწევა ხელშეკრულებით გათვალისწინებული პირობების შესაბამისად.

6.3. შემსყიდველს უფლება აქვს, აწარმოოს ხელშეკრულების პირობების შესრულების მონიტორინგი.

6.4. მიმწოდებელი ვალდებულია, დროულად და ხარისხიანად შეასრულოს ხელშეკრულებით განსაზღვრული პირობები, კერძოდ მოამზადოს საპროექტო-სახარჯთაღრიცხვო დოკუმენტაცია („სატენდერო პროექტის“ დონეზე), რომელიც მინიმუმ უნდა მოიცავდეს (ქვემოთმოყვანილი მონაცემები სავარაუდოა და პროექტის მომზადების პროცესში შეიძლება მათი კორექტირება შემსყიდველთან შეთანხმებით):

6.4.1. არქიტექტურული ნაწილი, რომელშიც დამუშავდება მინიმუმ შემდეგი დოკუმენტაცია:

6.4.1.1. საპროექტო სივრცის ფუნქციონალური გეგმები შესაბამისი დანიშნულების და ფართობების მითითებით;

6.4.1.2. საპროექტო სივრცის გეგმები, დეტალური ზომების დატანით;

6.4.1.3. საპროექტო სივრცის ღიობების ნახაზები.

6.4.2. ტექნიკური ნაწილი, რომელშიც დამუშავდება მინიმუმ შემდეგი დოკუმენტაცია:

6.4.2.1. მცირე დარბაზის სავენტილაციო დანადგარის სიცივით მომარაგების სისტემის დაპროექტება (ჩილერი);

6.4.2.2. ექსპერიმენტულ დარბაზში გათბობა, კონდიციონერება, ვენტილაციის სისტემების დაპროექტება;

6.4.2.3. თეატრის მუზეუმში კლიმატკონტროლის სისტემის დაპროექტება;

6.4.2.4. დიდ დარბაზში არსებული თბომომარაგების მილგაყვანილობის ტრასის ცვლილების დაპროექტება;

6.4.2.5. დიდ დარბაზში მოდინებითი სავენტილაციო სისტემის ტრასის დაპროექტება;

6.4.2.6. დიდ დარბაზში ჩილერის შერჩევა შესაბამისი სიმძლავრით რომელიც უზრუნველყოფს გაგრილებას. სავენტილაციო დანადგარისთვის სიცივით მომარაგების ტრასირების დადგენა/განსაზღვრა;

6.4.2.7. არსებული მაგისტრალის დემონტაჟის პროექტის მომზადება.

6.4.2.8. მასალებისა და ნაკეთობების სპეციფიკაციების შედგენა.

6.4.3. კონსტრუქციული ნაწილი, რომელშიც დამუშავდება მინიმუმ შემდეგი დოკუმენტაცია:

6.4.3.1. კონსტრუქციული ნაწილის საერთო განმარტებითი ბარათი, რომელიც უნდა მოიცავდეს ინფორმაციას კონსტრუქციებზე მოქმედი მოსალოდნელი/გაზრდილი დატვირთვების შესახებ.

6.4.4. ელექტრონული ნაწილი, რომელშიც დამუშავდება მინიმუმ შემდეგი დოკუმენტაცია:

6.4.4.1. ელექტრული ნაწილის საერთო განმარტებითი ბარათი. განმარტებით ბარათში მითითებული უნდა იყოს დადგმული და მოთხოვნილი სიმძლავრეები, ასევე მათი უზრუნველყოფის გზები.

6.4.4.2. საპროექტო სივრცის მთავარ ელ.ფარზე დაერთების სქემა (საჭიროების შემთხვევაში) მასალების სპეციფიკაცია.

6.4.5. სახარჯთაღრიცხვო ნაწილი, რომელშიც დამუშავდება მინიმუმ შემდეგი დოკუმენტაცია:

6.4.5.1. სახარჯთაღრიცხვო ნაწილის საერთო განმარტებითი ბარათი, რომელიც უნდა მოიცავდეს ინფორმაციას დანარიცხების გაანგარიშების წესის შესახებ (საქართველოს მთავრობის 2014 წლის 14 იანვრის №55 დადგენილების შესაბამისად).

6.4.5.2. მშენებლობის შენაკრები ხარჯთაღრიცხვა.

6.4.5.3. ლოკალური ხარჯთაღრიცხვები შესრულებული რესურსული მეთოდით.

6.4.5.4. ლოკალურ ხარჯთაღრიცხვებში ცალ-ცალკე გამოყოფილი უნდა იყოს სამშენებლო მასალების ღირებულება, მუშათა ხელფასი, სამშენებლო მანქანების ექსპლუატაციის ხარჯები, ზედნადები ხარჯები და გეგმიური მოგება.

6.4.6. მომსახურება, პროექტის შესაბამისად სამშენებლო სამუშაოების შესყიდვის პროცედურების მიმდინარეობის დროს, რაც მოიცავს შემდეგს:

6.4.6.1. სატენდერო დოკუმენტაციის ტექნიკური ნაწილის მომზადებას.

6.4.6.2. საჭიროების შემთხვევაში, შესყიდვის პროცედურის მსვლელობისას, სატენდერო კომისიისთვის ახსნა განმარტების, დასკვნების და რეკომენდაციების გაცემას ტექნიკურ საკითხებში.

- 6.4.6.3. სამშენებლო ორგანიზაციის მიერ მოწოდებული საშემსრულებლო ნახაზების (დოკუმენტაციის) გადამოწმება და შესაბამისი რეკომენდაციების გაცემა შემსყიდველისთვის.
- 6.4.6.4. საავტორო ზედამხედველობა (არ უნდა აღემატებოდეს საერთო თანხის 2.2%).
- 6.5. მიმწოდებელი ვალდებულია პროექტის თბილისის არქიტექტურის სამსახურთან შეთანხმების პროცესში შენიშვნების არსებობის შემთხვევაში საკუთარი სახსრებით უზრუნველყოს პროექტში ცვლილებების შეტანა.
- 6.6. მიმწოდებელი ვალდებულია უზრუნველყოს შესყიდვის ობიექტის ინსპექტირების შედეგად ან მომსახურების გაწევისას გამოვლენილი წუნის აღმოფხვრა შემსყიდველი ორგანიზაციის მხრიდან რაიმე დანახარჯის გაწევის გარეშე, ასეთი ხარვეზის/წუნის გამოვლენიდან და შესაბამისი შეტყობინების მიღებიდან საჭიროებისამებრ, შემსყიდველის ან/და მიმწოდებლის მისამართზე.
- 6.7. მიმწოდებელი ვალდებულია სამუშაოთა წარმოების პერიოდში, საკუთარი ხარჯებით უზრუნველყოს პროექტში შემსყიდველის მიერ მითითებული ცვლილებების შეტანა შემსყიდველთან შეთანხმებულ გონივრულ ვადაში.
- 6.8. „საავტორო და მომიჯნავე უფლებების შესახებ“ საქართველოს კანონის 43-ე მუხლის თანახმად, მიმწოდებლის მიერ, შესყიდვის ხელშეკრულების საფუძველზე შექმნილ ნაწარმოებზე (კერძოდ, პროექტზე) ქონებრივი საავტორო უფლებები ეკუთვნის შემსყიდველს.
- 6.9. მიმწოდებელი ვალდებულია, დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 6.10. შემსყიდველი ვალდებულია, უზრუნველყოს მიმწოდებლისათვის თანხის გადახდა ხელშეკრულების მე-2 მუხლის შესაბამისად
- 6.11. შემსყიდველი ვალდებულია, დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7. ფორს მაჟორი

- 7.1. არც ერთ მხარეს არ დაეკისრება პასუხისმგებლობა ხელშეკრულებით გათვალისწინებული ვალდებულებების მთლიანი ან ნაწილობრივი დარღვევისათვის, თუ აღნიშნული გამოწვეული იქნება ისეთი გარემოებების გამო, როგორიცაა: მიწისძვრა, წყალდიდობა, ხანძარი, სტიქიური უბედურებანი, ომი და საომარი მოქმედებანი, ხელისუფლების მიერ მიღებული ამკრძალავი ნორმები და საქართველოს კანონმდებლობით გათვალისწინებული სხვა შემთხვევები.
- 7.2. მხარე, რომლისთვისაც 7.1. მუხლში აღნიშნული მიზეზების გამო შეუძლებელი შეიქმნა დაკისრებული ვალდებულებების შესრულება, ვალდებულია მისი დადგომის და დამთავრების მომენტიდან არაუგვიანეს 5 დღისა წერილობით აცნობოს აღნიშნულის შესახებ მეორე მხარეს.
- 7.3. მხარეების მიერ ხელშეკრულებით გათვალისწინებული ვალდებულებების შესრულება გადაიდება ფორს-მაჟორული გარემოებების ლიკვიდაციამდე.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარე წაწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის(შეთანხმების) გზით.

9. ხელშეკრულების პირობების და ღირებულების გადასინჯვა

9.1. თუ წინასწარი გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია

9.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

10. დავის განხილვის წესი

10.1. მხარეთა შორის წარმოშობილი ნებისმიერი დავა და უთანხმოება წყდება მოლაპარაკების გზით.

10.2. შეთანხმების მიუღწევლობის შემთხვევაში, დავა განიხილება საქართველოს მოქმედი კანონმდებლობის შესაბამისად.

11. მხარეთა პასუხისმგებლობა ვალდებულების შეუსრულებლობისას

- 11.1. შემსყიდველი უფლებამოსილია ხელშეკრულებით ნაკისრი პირობებისა და ვალდებულებების შესრულების ვადების გადაცილების შემთხვევაში დაკისროს მიმწოდებელს პირგასამტეხლო (შემდგომში „პირგასამტეხლო“) ხელშეკრულების შეუსრულებელი ნაწილის ღირებულების 0.5%-ის ოდენობით ყოველ გადაცილებულ დღეზე.
- 11.2. წინამდებარე ხელშეკრულებით გათვალისწინებული გადახდის ვადის გადაცილების შემთხვევაში მიმწოდებელი უფლებამოსილია დაკისროს შემსყიდველს პირგასამტეხლო გადაუხდელი თანხის 0.5%-ის ოდენობით ყოველ გადაცილებულ დღეზე.
- 11.3. იმ შემთხვევაში თუ ვადების გაცდენისათვის დაკისრებული პირგასამტეხლოს ჯამური ოდენობა გადაჭარბებს ხელშეკრულების ღირებულების 3%-ს, შემსყიდველს ან/და მიმწოდებელს უფლება აქვთ შეწყვიტონ ხელშეკრულება;
- 11.4. წინამდებარე ხელშეკრულებით განსაზღვრული პირგასამტეხლო(ები)ს დაკისრება წარმოადგენს მხარეთა უფლებას და არა ვალდებულებას დამრღვევი მხარის მიმართ. პირგასამტეხლოს მიღების უფლება მეორე მხარისათვის მოპოვებულად ითვლება და შესაბამისი თანხა ექვემდებარება გადახდას, დამრღვევი მხარისათვის წინასწარი წერილობითი მოთხოვნის წარდგენის შემდგომ, ამასთან პირგასამტეხლოს ოდენობის დარიცხვა განხორციელდება მოთხოვნის წარმოშობის მომენტიდან, მიუხედავად წერილობითი მოთხოვნის გაგზავნის თარიღისა.
- 11.5. საჯარიმო თანხების გადახდა არ ათავისუფლებს მხარებს ძირითადი ვალდებულებების შესრულებისაგან;

12. ხელშეკრულების მოქმედების ვადა და შეწყვეტის წესი

- 12.1. წინამდებარე ხელშეკრულება ძალაში შედის ხელმოწერისთანავე და მოქმედებს 2018 წლის 30 მაისამდე.
- 12.2. ხელშეკრულებაში ცვლილებებისა და დამატებების შეტანა შეიძლება მხოლოდ მხარეთა ორმხრივი წერილობითი შეთანხმებით.
- 12.3. მხარეთა შორის შეტყობინების გაგზავნა მოხდება ამ ხელშეკრულებაში აღნიშნულ რეკვიზიტებზე. რეკვიზიტების შეცვლის შემთხვევაში მხარეებმა დაუყოვნებლივ წერილობით უნდა აცნობონ ერთმანეთს.

13. დასკვნითი დებულებები

- 13.1. წინამდებარე ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად და ხელმოწერის შემდეგ ერთი ეგზემპლარი გადაეცემა შემსყიდველს, ხოლო ერთი ეგზემპლარი - მიმწოდებელს;
- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე;

13.3.თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.

14. მხარეთა რეკვიზიტები

„შემსყიდველი“

სსიპ-თბილისის შოთა რუსთაველის სახელობის
პროფესიული სახელმწიფო დრამატული თეატრი
ს/კ 203840530
მის: ქ.თბილისი, შოთა რუსთაველის გამზირი N17
ტელ: 2 931961
ზ/კოდი: TRESGE22;
მიმღების ბანკი: სახელმწიფო ხაზინა,
მიმღების დასახელება: ხაზინის ერთიანი ანგარიში;
მიმღების ანგარიში: 708167170

დირექტორ-განმკარგულებელი:


/გიორგი თევზაძე/


„მიმწოდებელი“

შპს „ლ.დ. იუნიონ“
ს/კ 205246517
მის: ქ.თბილისი, აბაშიძის 1. №75, ბ.№6
ტელ: 2250845
ბანკი: სს „საქართველოს ბანკი“
ბ.კ. BAGAGE22
ა.ა. GE67BG0000000915434000

დირექტორი:


/ლალი დიდიძე/



დანართი №2

№	დასახელება	აღწერილობა	საერთო თანხა
1	დიდი დარბაზი	უნდა მოხდეს არსებული თბომომარაგების მილგაყვანილობის ტრასის ცვლილება მათ შორის: • გადასაკეთებელია მოდინებითი სავენტილაციო სისტემის თბომომარაგების მილგაყვანილობის ტრასა. • შესარჩევია ადგილმდებარეობა დამოუკიდებელი ჩილერის შესაბამისი სიმძლავრით, რომელიც უზრუნველყოფს სავენტილაციო სისტემის გაგრილებას. შესაცვლეელია და დასაპროექტირებელია ახალი მიმწოდებელი ჰაერსატარის ტრასისა სავენტილაციო დანადგარიდან დარბაზამდე. სივრცე=16500მ³ (პროექტირება ითვალისწინებს: სითბო-სიცივით და ელექტრო მომარაგებას, ასევე კონსტრუქციულ გადაწყვეტას და სახარჯთაღრიცხვო დოკუმენტაციის დამუშავებას.)	8300
2	მცირე დარბაზი	სავენტილაციო დანადგარს უნდა დაუპროექტდეს დამოუკიდებელი შესაბამისი სიმძლავრის სიცივით მომარაგების დანადგარი (ჩილერი); სივრცე=7500მ³ (პროექტირება ითვალისწინებს: სიცივით და ელექტრო მომარაგებას, ასევე კონსტრუქციულ გადაწყვეტას და სახარჯთაღრიცხვო დოკუმენტაციის დამუშავებას.)	5900
3	ექსპერიმენტული დარბაზი	დასაპროექტირებელია გათბობა, გაგრილება, ვენტილაციის სისტემები; სივრცე=1700მ³ (პროექტირება ითვალისწინებს: სითბო-სიცივით და ელექტრო მომარაგებას, ასევე კონსტრუქციულ გადაწყვეტას და სახარჯთაღრიცხვო დოკუმენტაციის დამუშავებას.)	5900
4	მუზეუმი	დასაპროექტებელია (ჰაერის კონდიცირების) კლიმატკონტროლის სისტემა; სივრცე=400მ³ (პროექტირება ითვალისწინებს: სითბო-სიცივით და ელექტრო მომარაგებას, ასევე კონსტრუქციულ გადაწყვეტას და სახარჯთაღრიცხვო დოკუმენტაციის დამუშავებას.)	3600
	ჯამი:		23700

„შემსყიდველი“

სსიპ-თბილისის შოთა რუსთაველის სახელობის
პროფესიული სახელმწიფო დრამატული თეატრი
ს/კ 203840530

დირექტორ-განმკარგულებელი:

 **გიორგი ტყეშაძე**


„მიმწოდებელი“

შპს „ლ.დ. იუნიონ“
ს/კ 205246517

დირექტორი:

 **ლალა დიდიძე**
